

**ԺՈՂՈՎՐԴԱԿԱՆ ՍՊԱՌՄԱՆ ԱՌԱՐԿԱՆԵՐԻ
ԱՐՏԱԴՐՈՒԹՅԱՆ ԸՆԴՀԱՆՄԱՆ ԵՎ ՈՐԱԿԻ ԲԱՐՁՐԱՑՄԱՆ ՀԱՐՑԻ ՇՈՒՐՋ**

Ռ. Ա. ՀԱՐՈՒԹՅՈՒՆՅԱՆ, Մ. Հ. ՏՈՆՈՅԱՆ

Ժողովրդական սպառման առարկաների (ԺՍԱ) արտադրության ընդլայնումը և դրանց որակի բարձրացումը հանրապետության սոցիալական կարևորագույն պրոբլեմներից է, որը պահանջում է անհետաձգելի լուծում՝ ամենակարճ ժամկետներում: Անցած տարիների ընթացքում հանրապետությունում տեղի է ունեցել ԺՍԱ արտադրության զգալի աճ: Այսպես, 1989 թ. ԺՍԱ արտադրության առաջադրանքները կատարել են հանրապետության հետևյալ արդյունաբերական համալիրները. էներգետիկ համալիրը թողարկել է 1,75 մլն. տ. գումարի ապրանք, որը 1,6 %-ով գերազանցում է պլանային առաջադրանքը, մետաղագործականը՝ համապատասխանաբար 282,6 մլն. տ. և 1,7 %-ով, մեքենաշինականը՝ 359,5 մլն. տ. և 0,8 %-ով, ագրոարդյունաբերականը՝ 983,6 մլն. տ. և 2,7 %-ով, սոցիալականը՝ 2,066 մլն. տ. և 1,6 %-ով:

1988 թ. սկսած ժողովրդական սպառման ապրանքների արտադրության զարգացման և բնակչության պահանջարկի բավարարման մեջ նկատելի ավանդ է դնում հանրապետության տնտեսության կոոպերատիվ սեկտորը: 1988—1989 թթ. գործող կոոպերատիվների քանակն աճել է 3,3 անգամ: Ընդ որում, կոոպերատիվ սեկտորում աշխատողների ավելի քան 50 %-ը (89,2 հազար մարդ) ներգրավված են ԺՍԱ արտադրող կոոպերատիվներում: 1989 թ. կոոպերատիվների թողարկած ապրանքների և մատուցած ծառայությունների արժեքը կազմել է 1235 մլն. տ., որը 4,8 անգամ գերազանցում է 1988 թ. արդյունքները: Ընդ որում, ԺՍԱ արժեքը կազմում է 657,2 մլն. տ.՝ 4,4 անգամ ավելի, քան 1988 թ.:

Չնայած կոոպերատիվների քանակը սրընթաց աճում է, 15984 գրանցված կոոպերատիվներից 4924-ը (մոտ 32 %) տարբեր պատճառներով առայժմ չի գործում:

Ներկայումս ԺՍԱ արտադրության զարգացման պլանաչափ կառավարումը կատարվում է գերատեսչությունների շահերի դիրքերից, իսկ ռեզիդնալ պահանջարկը որոշվում է որպես համապատասխան ճյուղային պլանների գումար: Քանի որ գերատեսչական պլանավորման հիմքում դրված է ճյուղի տրնտեսական արդյունավետության չափանիշը, ապա այդ ձևով որոշվող զարգացման չափերն ի նկատի չեն առնում այնպիսի չափանիշ, ինչպիսին է ԺՍԱ-ով ռեզիդնալ պահանջարկի բավարարվածության մակարդակը:

Նախարարությունների կողմից պլանային արտադրատեսակների ոչ բավարար կոորդինացման պատճառով հաճախ տեղի է ունենում ապրանքների արտադրության զուգահեռություն, հիմնական և ուղեկցող ապրանքների արտադրությունների ծավալների միջև ապրանքի անհամապատասխանություն, որը բացասաբար է ազդում պահանջարկ-առաջարկ հարաբերակցության, ԺՍԱ-ի իրացման պայմանների վրա:

Այդպիսի պայմաններում հանրապետության բնակչության կենցաղային և տնտեսական ապրանքների պահանջարկը բավարարելու ուղղությամբ մեծ աշխատանք պետք է կատարեն հանրապետության ձեռնարկությունները, որի մասին են վկայում աղյուսակի տվյալները¹:

¹ Այս և հետագա տվյալները վերցված են ՀՀ վիճակագրից:

² Աղյուսակում բերված տվյալները վերցված են համապատասխան ձեռնարկություններից:

Հանրապետությունում կահույք, ներկեր, լաքեր, մարզական ապրանքներ, ձայնագրիչներ, լամպեր և այլ ապրանքներ արտադրող ձեռնարկությունների առկայության պայմաններում նշված ապրանքների պահանջարկը բավարարվում է կիսով չափ, իսկ երբեմն՝ ավելի քիչ: Օրինակ, «Լույս» արտադրական միավորումը տարեկան թողարկում է 2 մլն. ավտոլամպ, բայց հանրապետության ֆոնդ է առաքում 60 հազար հատ՝ քավարարելով պահանջարկի միայն 30 %-ը:

Աղյուսակ № 1

Տեղական արտադրության անբավարար մատակարարվող ապրանքների անվանացանկը

Անվանում	Չավան միավորը	Արտադրության ծավալը	Հանրապետության ֆոնդը	Պահանջարկի բավարարվածության %	Արտադրող
Ձայնագրիչներ «Մարս»	հ. հատ	10	10	60	«Հրազդան» դ-ն
Ավադյամպեր	»	2000	60	30	«Լույս» այմ
Կահույքի հավաքածու «Տախե»	»	100	100	20	Ա. Մյասնիկյանի ան. կահ. այմ
Հավաքածու «Ենժոոստ»	»	4000	400	50	Կահույքի ֆաբ. «Արարիկ»
Հավաքածու «Զիտա»	»	1800	1.00	50	
Բազկաթուղ-մահճակալ	»	4000	4 00	50	Կահույքի ֆաբրիկա № 1
Իսպոդ-մահճակալ	»	9650	9650	50	

Ջրաներկերի, գունավոր մատիտների, մանկական ոտնասեղմիչավոր (պեղալարին) ավտոմեքենաների, ռետինե գնդակների, նիտրոէմալի և այլ ներմուծվող կուլտուր-կենցաղային ու տնտեսական ապրանքների պահանջարկի բավարարումը կազմում է 20—80 %: Միաժամանակ, հանրապետությունում կան ձեռնարկություններ, որտեղ հնարավոր է կազմակերպել վերոհիշյալ ապրանքների թողարկումը: Այս ուղղությամբ մեծ աշխատանք պետք է կատարեն միութենական ենթակայության ձեռնարկությունները, հատկապես ԺՍՍՀ ամալիքի տարբեր ենթաճյուղերի ձեռնարկությունները, որոնք լրիվ կամ մասնակի ենթակա են վերականգնման: Այս ձեռնարկությունների տեխնիկական բարձր հագեցվածությունը և փորձառու մասնագետների առկայությունը հնարավորություն է տալիս գրանցում կազմակերպելու ձայնագրիչների, հեռուստացույցների, տեսաձայնագրիչների, անձնական կոմպյուտերների և այլ բարձր պահանջարկ ունեցող ապրանքների արտադրությունը: Հայաստանում ԺՍՍՀ արտադրության ոլորտում առաջատար դիրք է գրավում թեթև արդյունաբերությունը, որն արդյունաբերության «Բ» խմբի կառուցվածքում թողարկում է հանրապետության արտադրանքի համարյա կեսը (47,9 %): Ձարդացման տեմպերի կայուն աճի շնորհիվ 1980—1988 թթ. թեթև արդյունաբերության արտադրանքի արժեքը «Բ» խմբի վառուցվածքում սովեացել է 3,9 %-ով: Եվրոպի զարգացումը 1991 թ. առաջին հերթին կախված վրինի հումքային ապահովվածությունից:

Նման պայմաններում գլխավոր հարցերից է Հայաստանի թեթև արդյունաբերության բազայի վրին կատարելագործումը: Դրա համար անհրաժեշտ է. ա) հանրապետության արդյունաբերության և գյուղատնտեսության ձևավորված ճյուղային կառուցվածքը վերանայել հոգուտ այն արտադրություն-

ների, որոնք հումքով ապահովում են ԺՍՍ Թողարկող թեթև արդյունաբերությանը և ուրիշ ճյուղերին: Այս ճյուղերի նմուշակազմը (հումք և նյութեր) պետք է գոյանա ըստ դրանց արտադրանքը վերամշակող ԺՍՍ համալիրի ձեռնարկությունների պահանջարկների: Առանց ԺՍՍ համալիրի ձեռնարկությունների պահանջները լրիվ քավարարելու, այս ճյուղերը չպետք է իրենց արտադրանքն արտահանեն ուրիշ հանրապետություններ: բ) Զգալիորեն ավելացնել ինվեստիցիաներն այն ճյուղերում, որոնք հանրապետական ԺՍՍ համալիրի համար արտադրում են հումք և նյութեր: Ուսումնասիրել այս ոլորտում համատեղ ձեռնարկությունների ստեղծման հնարավորությունները, ԺՍՍ ինվեստավորման մեջ գերազանցությունը տալ անթափոն և սակավաթափոն տեխնոլոգիաներ ներդնող ձեռնարկություններին, ինչպես նաև այն ձեռնարկություններին, որոնց թափոններն առավելագույնս կօգտագործվեն հանրապետության ԺՍՍ-ների արտադրող թեթև և առ ճյուղերի արդյունաբերական ձեռնարկություններում: գ) Հանրապետության թեթև արդյունաբերության ճյուղախի կառուցվածքը վերանայել հօգուտ այն ճյուղերի, որոնց պահանջը հնարավոր է բավարարել սեփական առաջնային և երկրորդային հումքով՝ նախապատվությունը տալով թափոնները վերամշակող ձեռնարկություններին:

ԺՍՍ աճող պահանջարկի բավարարման կարևորագույն պայմաններից է որակի բարելավումը և նմուշակազմի ընդլայնումը: Որակի հարցը հատկապես արդիական է մեր հանրապետության համար, որի արդյունաբերությունը հիմնականում աշխատում է ներմուծվող հումքի և նյութերի հիման վրա: 'Իրա հետ կապված՝ չափազանց կարևոր է ռեսուրսների արդյունավետ օգտագործումը՝ չափագույն վերջնական աբդուկներ ձեռք բերելու համար: Ցածրորակ քիմիկու պատճառով արտադրված ԺՍՍ զգալի մասը չի վաճառվում, հանգեցնելով միջոցների կորուստների: Այժմ, առավել քան երբեք, հնարավոր չէ սպառողներին բավարարել նախկին որակն ունեցող ապրանքներով: Նրկրաշարժի և բռնագաղթվածների ներհոսքի պատճառով իրադրությունը սպառողական շուկայում նկատելի փոփոխվել է: Սպառողների մի մասը, շունենալով առաջին անհրաժեշտության ապրանքներ, գնում է այն, ինչ առաջարկվում է, բայց դա չի նշանակում, որ իրացված արտադրանքը համապատասխանում է նրանց պահանջներին: Այս երևույթը ժամանակակից է և չի բնորոշում հանրապետության ազգայնականության պահանջմանների իրական մակարդակը:

ԺՍՍ որակի ձևավորված իրավիճակը բացատրվում է բոլոր մակարդակներում որակի կառավարման հստակ համակարգի բացակայությամբ: ԺՍՍ արտադրության ժամանակ հիմնական ուղղորդությունը ներկայումս կենտրոնացվում է որակի վերահսկմանը և ոչ թե ղեկավարմանը: Բայց չէ՞ որ վերահսկումը, նույնիսկ ամենախիստը և օբյեկտիվը, ինքնին որակ չի ստեղծում, որովհետև վերահսկող մարմինների խնդիրը խոտանի հայտնաբերումն է և տուգանումը: Միայն վարչական միջոցներով որակի հարցը չի լուծվի: Անհրաժեշտ է կիրառել արտադրողի վերա ավելի ճկուն, ներգործող տնտեսական մեթոդներ՝ շահագործելով թողարկելու բարձրորակ արտադրանք: Մեր կարծիքով ԺՍՍ աճող դեֆիցիտի և ցածր որակի պատճառը գործող տնտեսական մեխանիզմի անկատարությունն է: Դրա զլխավոր թերություններից մեկը համախառն արտադրանքի ցուցանիշի նկատմամբ պլանավորման շարունակվող կողմնորոշումն է: Անհրաժեշտ է վերանայել ԺՍՍ պլանավորման ամբողջ համակարգը՝ լրիվ բացառելով արժեքային ցուցանիշներով դրա կողմնորոշումը:

Մանրածախ գներով ԺՍՍ արտադրության պլանավորման մասին որոշումը ջնայած թելադրված էր ապրանքային և գնողունակ ֆոնդերի կապակցման անհրաժեշտությամբ, իրականում հանգեցրեց դեֆիցիտի ուժեղացմանը, գների չկարգավորվող աճին, էժանագին նմուշակազմի դուրս մղվելուն:

Արտադրության որակի բարձրացմանը հատուկ ուղղորդություն պետք է դարձնի արտադրական միավորումների ստորաբաժանումների մակարդակով:

Արտադրության որակի կոնկրետ ցուցանիշները պետք է սահմանեն հենց արտադրամասերը, որովհետև դրանք պայմանավորված են արտադրության այս կամ այն առանձնահատկություններով: Արտադրական ստորաբաժանումների գործունեության որակով պետք է պայմանավորվի աշխատողների դրամական պարգևի և աշխատավարձի չափը: Ընդ որում, դրամական պարգևը պետք է լինի ոչ թե աշխատավարձի հավելում, այլ արդյունավետ աշխատանքի խրախուսման միջոց: Չնայած տարբեր արտադրություններն ունեն որոշ առանձնահատկություններ, որակի ընդհանուր ցուցանիշն արտադրական միավորումների ստորաբաժանումների շրջանակներում պետք է դառնա պիտանի արտադրանքի թողարկման քանակը և տեխնիկական կորուստների (խոտանի, թափոնի) ծավալի նվազումը:

Դեֆիցիտային (այդ թվում՝ էժան) և որակյալ ապրանքների արտադրության ընդլայնման նպատակով անհրաժեշտ է վարել ամբիջի ճկուն վարկաքիչ ու հարկաքիչ քաղաքականություն (ԺՍԱ արտադրությանը վարկ հատկացնել արտոնյալ պայմաններով, իջեցնել հարկերի դրույքները և այլն): ԺՍԱ որակը բարձրացնելու համար անհրաժեշտ է սահմանել արտադրող ձեռնարկության եկամուտների բաշխման կախվածությունը (առաջին հերթին նրա արտադրական անձնակազմի աշխատավարձի բարձրացման համար) ձեռնարկության աշխատանքի վերջնական արդյունքներից: Ընդ որում, ԺՍԱ արտադրողի աշխատանքի վերջնական արդյունքը պետք է որոշի գնորդը՝ խանութում, այսինքն՝ արտադրական միավորումների արտադրական ստորաբաժանումների եկամուտը պետք է կախում ունենա ոչ թե պլանի կամ նույնիսկ պայմանագրի կատարումից, այլ մանրածախ առևտրի ցանցում արտադրանքի իրադրումից: ԺՍԱ պատրաստողի նյութական պատասխանատվությունը բարձր պահանջարկ ունեցող ապրանքի զանգվածային արտադրության գլխավոր պայմանն է: Տնտեսական բնույթի միջոցներ պետք է կիրառել նաև առևտրում, մասնավորապես՝ պայմանագրային դեմքերի անհամաչափ բարձրացման համար սահմանել շոշափելի տուգանքներ: Տուգանքի մի մասն անհրաժեշտ է տալ արտադրողին, նրան շահագրգռելով բացահայտելու առևտրի կողմից պայմանագրային պայմանների անօրինական բարձրացման գործոնները: Միայն արդյունավետ տնտեսական միջոցների լայն կիրառման շնորհիվ կհաջողվի վերացնել ԺՍԱ պակասը և սանձել դրանց գների սրընթաց աճը:

Ժողովրդական տնտեսության բնագավառում տեղի ունեցող գործընթացների վերլուծությունը, մանավանդ արմատական տնտեսական ռեֆորմի կապակցությամբ, համոզում է, որ նախարարությունների գործունեության հիմքում դրված ճյուղային սկզբունքը, նույնիսկ ֆունկցիաների շոշափելի ընդարձակման դեպքում, չի նպաստում դրանց աշխատանքների արդյունավետության բարձրացմանը՝ ԺՍԱ կազմակերպման և կառավարման, ինչպես նաև ուղեկցող ծառայությունների գծով: Միևնույն ժամանակ, նախարարությունների ճյուղային ուղղահայաց ինտեգրացումը չի թույլատրում հասնել ԺՍԱ սպասարկող զանազան միութենական և հանրապետական նախարարությունների, գերատեսչությունների գործունեության լավագույն միջճյուղային կոորդինացմանը հանրապետության տարածքում:

Հանրապետության ԺՍԱ համալիրն անհրաժեշտ է դիտել ոչ միայն որպես կառավարման օբյեկտ, այլև որպես իրավահավասար սուբյեկտ: Ընդ որում, համալիրի կառավարման ծանրության պենտրոնն անհրաժեշտ է փոխադրել տնտեսական ինքնավարության, շուկայական հարաբերությունների և համալիրի մեջ ձեռնարկությունների ու կազմակերպությունների կամավոր միավորման հիմքի վրա: Այս ուղղությամբ մեր հանրապետության համար դրական քայլ է արդյունաբերության նախարարության ստեղծումը, որի մեջ պետք է մտնեն հանրապետության բոլոր արդյունաբերական ձեռնարկությունները, անկախ միութենական կամ հանրապետական ենթակայությունից: Սա նաև թույլ կտա վառարկվածքային մեկ օղակի մեջ համալսմբել ԺՍԱ արտադրության կառավարման և կազմակերպման բոլոր աշխատանքները՝ հան-

րապետության մասշտաբով: Այս հարցի արդիականության և ժողովրդատնտեսական մեծ նշանակության մասին է վկայում այն փաստը, որ հանրապետության տարածքում գտնվող 438 արդյունաբերական ձեռնարկություններից 402-ը արտադրում են ժողովրդական սպառման ապրանքներ: Ընդ որում, ԺՍԱ կետից ավելին թողարկում է հանրապետության թեթև արդյունաբերության: Այդ արդյունաբերության արտադրանքը թողարկվում է հանրապետության 12 նախարարությունների և կազմակերպությունների ձեռնարկություններում: Դրանցից 87,8 % -ն արտադրվում է հանրապետության թեթև արդյունաբերության, 6,9 % -ը՝ տեղական արդյունաբերության հանրապետական սիավորման ձեռնարկություններում, 2,2 % -ը՝ ծառայությունների հանրապետական սիավորումում:

Ներկայումս հանրապետության թեթև արդյունաբերությունը ներկայացված է 11 ճյուղերով, որոնցում գործում են մոտ 150 ինքնուրույն արտադրական սիավորումներ և ձեռնարկություններ: Առավել խոշորներն են վարի, տրիկոտաժի, կոշկեղենի ճյուղերը, որոնց համապատասխանաբար բաժին է ընկնում թեթև արդյունաբերության ապրանքային արտադրության 38,5, 20 և 12,7 % -ը:

Հանրապետության կարի ենթաճյուղը ներկայացնում են 82 ինքնուրույն ձեռնարկություններ, որոնք հիմնականում թողարկում են տվյալ ենթաճյուղի անվանացանկի մեջ մտնող արտադրանքի բոլոր տեսակները:

Կտորեղենի պահանջարկի համեմատությամբ պատրաստի արտադրանքին ներկայացվող բարձր պահանջարկի նկատելի միտումն այս ենթաճյուղին ներկայացնում է բարձր պահանջներ՝ արագորեն արձագանքելու նորաձևության փոփոխություններին և կայուն պահպանելու բարձր որակը, որին միշտ չէ, որ հաջողվում է հասնել, այն պատճառով, որ թողարկվող արտադրանքի լայն անվանացանկն ամբողջությամբ կախված է դրսից բերվող նյութերից, դրանց անվանացանկից ու որակից: Հարկ է նշել նաև հանրապետության կարի ենթաճյուղի ձեռնարկությունների տեխնիկական և տեխնոլոգիական հագեցվածության հետ մնալը միջազգային մակարդակից: Կարի ենթաճյուղի ձեռնարկությունների արդյունավետ աշխատանքի կարևոր պայման է նորաձևության տների առկայությունը՝ ըստ արտադրանքի հիմնական անվանացանկային տեսակների և սպառողների հետ անմիջական կապերի հաստատումը, որը հնարավոր է իրականացնել ֆիրմային խանութների և թողարկվող արտադրանքի տեսականու գովազդի միջոցով: Սակայն, միշտ չէ, որ առանձին ձեռնարկությունը կարող է մշակված խնդիրներն իրականացնել: Ուստի, ելնելով վերոհիշյալից, մեր կարծիքով հանրապետության կարի ենթաճյուղում նպատակահարմար է կազմակերպել կոնցեն, որը հնարավորություն կտա կամավոր հիմունքներով կենտրոնացնել համայնքի ձեռնարկությունների կարի արտադրանքի մոդելացման և գովազդի գիտատեխնիկական և արտադրական զարգացման, ինվեստիցիոն, ֆինանսական, արտաքին տնտեսական գործունեության, առևտրի, ձեռնարկությունների տնտեսվարակալին սպասարկման ֆունկցիաները և այլն: Միաժամանակ, նպատակահարմար է կարի վեցեղենի կազմի մեջ մտցնել նաև Կիրովականի մոթոու ֆաբրիկան, քանի որ նրա արտադրանքը լայնորեն օգտագործվում է մասնաճյուղում վերնազգեստ կտրելու համար: Բամբակեղենի, բրդի, մետաքսի, տրիկոտաժեղենի ենթաճյուղերի, ինչպես նաև չգործած կտավների արտադրության բազայի (որոնք հիմնականում օգտագործում են դրսից բերվող հումք) և Կիրովականի քիմիական մանրաթելի գործարանի հիման վրա (որը կարող է ամբողջությամբ բավարարել հանրապետության թվարկված մասնաճյուղերի պահանջարկը քիմիական մանրաթելի և ցեխատաշիին թելերի նկատմամբ) հարկ է ստեղծել միջմասնաճյուղային սիավորում (ՄՄ) «Հայտնեատի»: ՄՄ գլխավոր նպատակը պետք է լինի իր կազմի մեջ մտնող ձեռնարկությունների գործունեության կազմակերպումը և կոորդինացումը կարի ու մյուս ենթաճյուղերի պահանջարկների բավարարման ուղղությամբ, ինչպես նաև ապահովելու հանրապե-

տության ընակչության պահանջարկը բարձրորակ նյութերով (կտրեղենով և տրիկոտաժե արտադրանքով)։ ՄՄ ստեղծումը հնարավորություն կտա կենտրոնացնել զիտատեխնիկական պոտենցիալը և ֆինանսական միջոցները, օպտիմալ ժամկետներում ստեղծել արտադրանքի (կտրեղենի) սկզբունքորեն նոր տեսակներ ու տեխնոլոգիաներ և դրանք արմատավորել արտադրության մեջ, զարգացնել կոոպերացման և կոմբինացման արդյունավետ ձևերը, համալսել ԽՍՀՄ-ի ծածկերը՝ հումքի ձեռքբերման և պատրաստի հագուստը ներքին և արտաքին շուկաներում իրացնելու համար։ ՄՄ-ի ֆինանսական և նյութատեխնիկական զգալի հնարավորությունները թույլ կտան հումք արտադրող միութենական հանրապետությունների և արտասահմանյան գործընկերների հետ միասին ստեղծել հումքի վերամշակման, պատրաստի հագուստի արտադրության և փոխմատակարարման համատեղ ձեռնարկություններ։

Թեթև արդյունաբերության առաջատար ճյուղերից է կոշիկեղենի արտադրությունը, որտեղ գործում են 17 ինքնուրույն ձեռնարկություն՝ փրենց մասնաճյուղերով։ Դրանցից 15-ը գտնվում են Թեթև արդյունաբերության կազմում, իսկ 2-ը ենթարկվում են ծառայությունների հանրապետական միավորմանը։ Հանրապետության կոշիկեղենի քրոմակաշվե ապրանքների պահանջարկի մոտ կեսը բավարարում է Երևանի կաշվի գործարանը։

Ծնթաճյուղի հաջող աշխատանքը հիմնականում կանխորոշվում է թողարկվող արտադրանքի որակով և տեսականիով, դրա արագ նորացմամբ։ Այդտեղ նշանակալից դեր է կատարում կոշիկի մոդելների տունը, որը գործում է Երևանի «Մասիս» միավորումում։

Կոշիկեղենի որակի և մրցակցային ընդունակության բարձրացման համար նպատակահարմար է հանրապետության կոշիկեղենի ձեռնարկությունները և Երևանի կաշվի գործարանը միավորել որպես տնտեսական ասոցիացիա։ Այն պայմանագրային կարգով կմիավորի ձեռնարկությունները, ուղղություն կտա դրանց արտադրատնտեսական գործունեությանը, կխորացնի մասնադիտացումը և կոոպերացիայի զարգացումը։

Ներկայումս ուժեղանում է նաև կուլտուր-կենցաղային և տնտեսական նշանակություն ունեցող ապրանքների արտադրության կազմակերպական և կառավարման ձևերի միասնության անհրաժեշտությունը։ Կառավարման կազմակերպական կառուցվածքի տեսակետից, ԺՍՍՀ արտադրությունը և դրանց սպասարկումը շահագործման ընթացքում պետք է միասնական համակարգ լինեն։ Կուլտուր-կենցաղային և տնտեսական նշանակության ապրանքներ (մանավանդ կենցաղային բարդ տեխնիկա) արտադրող ձեռնարկությունների կատարելագործման առաջին հեռանկարային ուղղությունն արդյունաբերական-առևտրասպասարկող միավորումների (ԱԱՍՄ) ստեղծումն է, որը պետք է փնտրվի ապրանքների արտադրության իրացման և շահագործման գործառնությունները։

Ժողովրդական սպառման տեխնիկական բարդ ապրանքներ արտադրող ենթաճյուղերում (հեռուստացույցներ, տեսաձայնիտոֆոններ, կոմպյուտերներ և այլն) ԱԱՍՄ-ն հարկ է կազմակերպել առաջատար ձեռնարկություններից մեկի հենքի վրա, որը մասնագիտացվում է համապատասխան արտադրանքի թողարկման ուղղությամբ։ Այսպիսով, կստեղծվի բազմագործառական փակ ուղղահայաց արտադրատեխնոլոգիական կառուցվածք, որը լրիվ կապահովի «արտադրություն-սպառում-տեխնիկական սպասարկում» փուլերը։ Դա հնարավորություն կտա շեղծացնել նեղ վարչական անջրպետները, իսկ սոցիալական պլանի տեսակետից՝ վերացնել ինչպես ապրանքների, այնպես էլ դրանց սպասարկման բացառիկությունը և պակասը։

Հուշանվերների և գեղարվեստական իրերի արտադրության արտագրատնտեսական գործունեության կազմակերպման արդյունավետ ձև կլինի «Գեղարհեստներ» առևտրաարտադրական միավորման (ԱԱՄ) ստեղծումը։ Այն պետք է լինի տնտեսաշարժարկային արտադրական միավորում (ձեռնարկություն)՝ հուշանվերների և նեղ տեսականու արտադրության գծով։ Այս միավորումը

պետք է իր կազմի մեջ ներգրավի նաև կապալով աշխատող ոչ մեծ արտադրական ձեռնարկությունները: «Գեղարհեստներ» ԱԱՄ-ի հիմնական ֆունկցիաները պետք է լինեն այդ ձեռնարկությունների արտադրանքի մեծածախ և հատավաճառային իրադրամր (պայմանագրային գներով), անհրաժեշտ արտադրական ռեսուրսներով (նույնպես պայմանագրային գներով) ապահովումը, խնչպես նաև շուկայի իրավիճակի և գնողունակ պահանջարկի ուսումնասիրությունը:

Վերը նշված միջոցառումները թույլ կտան էապես վերաջնել հանրապետությունում ԺՍՍ դեֆիցիտը և բնակչությանն ապահովել որակյալ սպառողական ապրանքներով:

ВОПРОСЫ РАСШИРЕНИЯ ПРОИЗВОДСТВА ТОВАРОВ НАРОДНОГО ПОТРЕБЛЕНИЯ И ПОВЫШЕНИЯ ИХ КАЧЕСТВА

Р. А. АРУТЮНЯН, М. А. ТОНОЯН

Р е з ю м е

Одной из важнейших социальных проблем нашей республики является удовлетворение потребностей населения в товарах народного потребления (ТНП).

В условиях, когда Республика Армения готовится проводить самостоятельную экономическую политику на основе перехода к рыночной экономике, важное значение имеет радикальный пересмотр проводимой экономической стратегии. В противном случае, при наметившемся росте денежных доходов населения, не удастся сдержать рост инфляции, ведущей к обесценению доходов населения, следствием чего станет надвигающаяся социальная напряженность.

В целях стимулирования предприятий республики в увеличении производства дефицитных (в т. ч. дешевых) и качественных ТНП необходимо в отношении этих предприятий проводить более гибкую налоговую и кредитную политику, снижать ставки налогов, устанавливать жесткую зависимость между доходом предприятия-изготовителя и, в первую очередь, оплатой труда его производственного персонала от конечных работ предприятия.